

Қазақстан Республикасы Үкіметінің 2000 жылғы 1 наурыздағы N 337 қаулысына толықтырулар енгізу туралы

Күшін жойған

Қазақстан Республикасы Үкіметінің Қаулысы 2000 жылғы 21 наурыз N 430. Күші жойылды - ҚР Үкіметінің 2005.05.06. N 434 қаулысымен

Қазақстан Республикасының Үкіметі ҚАУЛЫ ЕТЕДІ:

1. "Кредиторлық берешекті өтеуді ұйымдастыру жөніндегі шаралар туралы" Қазақстан Республикасы Үкіметінің 2000 жылғы 1 наурыздағы N 337 қаулысына мынадай толықтырулар енгізілсін:

көрсетілген қаулымен бекітілген 2000 жылға арналған республикалық бюджетке кредиторлық берешекті өтеудің ережесінде:

1-тармақтың бірінші абзацы "жылғы" деген сөзден кейін "(осы Ереженің 6-1-бөлімінде көзделген міндеттемелерден басқа)" деген сөздермен толықтырылсын;

1-тармақ мынадай мазмұндағы бесінші абзацпен толықтырылсын:

" " ;

2-тармақ "2000 жылғы 20 қаңтардағы" деген сөздерден кейін "(осы Ереженің 6-1-бөліміне сәйкес берешекті өтеуден басқа)" деген сөздермен толықтырылсын.

3-тармақ төртінші абзацпен толықтырылсын:

"Республикалық бюджетке төленетін төлемдер бойынша кредиторлық берешекті өтеуді, сондай-ақ осы Ереженің 6-1 бөлімінде белгіленген талаптарға сәйкес келетін шаруашылық жүргізуші субъектілер де жүзеге асырады";

мынадай мазмұндағы 6-1-бөліммен толықтырылсын:

"6-1. Жергілікті облыстық атқарушы органдардың екінші деңгейдегі банктер алдындағы әлеуметтік мақсаттарға пайдаланылған, осы міндеттемелер бойынша ортақ жауапкершілікте болатын орталық атқарушы органдар жүзеге асыратын несиелер бойынша кредиторлық берешегін өтеудің ерекшеліктері"

43-1. Жергілікті облыстық атқарушы органдардың екінші деңгейдегі банктер (бұдан әрі - Банктер) алдындағы облыстық әкімшілік-аумақтық бірліктердің әлеуметтік мақсаттарына алынған және пайдаланылған несиелер бойынша кредиторлық берешегін өтеуді, егер орталық атқарушы органдар осы міндеттемелер бойынша ортақ жауапкершілікте болған жағдайда, орталық атқарушы органдар жүргізеді.

Соттың тиісті шешімінің болуы орталық атқарушы органдардың ортақ

жауапкершілігіне растама болып табылады.

43-2. Жергілікті облыстық атқарушы органдармен бірге екінші деңгейдегі банктер алдындағы ортақ міндеттемелер бойынша кредиторлық берешекті өтеуді республикалық бюджетке төленетін төлемдер бойынша кредиторлық берешектің бар-жоғы туралы анықтаманы салық органы растаған сәтінде қалыптасқан, " Бюджет жүйесі туралы" Қазақстан Республикасының Заңына сәйкес республикалық және жергілікті бюджеттер арасында бөлінетін салықтарды және басқа да міндетті төлемдерден басқа, негізгі борышты, өсімақыны және айыппұлдарды қоса есептегенде, салық және республикалық бюджетке төленетін басқа да міндетті төлемдер бойынша шаруашылық жүргізуші субъектілердің берешегін өтеу есебінен орталық атқарушы органдар жүргізеді (бұдан әрі - С у б ь е к т і л е р) .

43-3. Жергілікті облыстық атқарушы орган Банкпен бірге әлеуметтік мақсаттарға алынған және пайдаланылған несиелер бойынша берешекті салыстыру актісін жасайды. Егер соттың шешімі болған жағдайда, онда салыстыру актісі соттың шешімімен расталған сомаға жасалады.

43-4. Банк оларға N 9 нысан бойынша салық органдары анықтама берген сәтінде толығымен республикалық бюджетке есепке алынатын салық және басқа да міндетті төлемдер бойынша берешегі бар Субъектілерді, оның ішінде осы Ереженің 4-тармағына сәйкес 1999 жылғы 1 қаңтардан кейін Астана қаласының салық органдарында тіркелген Субъектілерді анықтайды және олармен осы берешекті өтеу үшін банктік несиелер беру туралы несиелік шарттар жасасады.

43-5. Банк жергілікті облыстық атқарушы органмен бірлесіп Қазақстан Республикасының Қаржы министрлігіне (немесе жергілікті облыстық атқарушы органның міндеттемелері бойынша ортақ жауапкершілікте болатын тиісті орталық атқарушы органға, егер Қазақстан Республикасының Қаржы министрлігі осы бөлімнің шарттары бойынша осындай болып табылмаса) мынадай құжаттарды (нотариалды куәландырылған бес данада):

шарттары бойынша әлеуметтік мақсаттарға несиелер алынған және пайдаланылған Банк пен жергілікті облыстық атқарушы органның несиелік ш а р т т а р ы ;

Банктен жергілікті облыстық атқарушы органның несиелер алғаны мақұлданған облыстық мәслихаттардың шешімдерін;

әлеуметтік мақсаттарға алынған несиелердің пайдаланылуы туралы жергілікті облыстық атқарушы органның анықтамасын (түпнұсқа);

43-3-тармаққа сәйкес берешекті салыстыру актісін (түпнұсқа);

Субъектіге республикалық бюджетке берешекті өтеу үшін несиелер беру туралы Банк пен Субъекті арасындағы несиелік шартты (түпнұсқа);

Салық органдарының N 9 нысан бойынша анықтамасын (түпнұсқа) ұсынады.

43-6. Орталық атқарушы орган ұсынылған құжаттарды қарағаннан кейін оларды Қазақстан Республикасының Қаржы министрлігіне береді.

43-7. Қазақстан Республикасының Қаржы министрлігі ұсынылған материалдардың негізінде есеп айырысуды жүргізу жөнінде ұсыныстар даярлайды және оларды Комиссияның қарауына енгізеді.

43-8. Қазақстан Республикасының Қаржы министрлігі берешекті өтеудің ұсынылған нұсқасын Комиссия мақұлдаған жағдайда, мұнда кредиторлық берешекті өтеу жөніндегі есеп айырысуды жүргізу үшін республикалық бюджеттен қаражат бөлінетін республикалық бюджеттік бағдарламалардың әкімшісін көрсете отырып, Банк алдындағы берешекті өтеу туралы тиісті қаулының жобасын белгіленген тәртіппен Қазақстан Республикасының Үкіметіне енгізеді.

43-9. Банк пен Субъектілерге белгіленген тәртіппен Қазақстан Республикасының Қаржы министрлігі Қазынашылық комитетінің хаттары негізінде қазынашылық органдарында ағымдағы (уақытша) шоттар ашылады.

43-10. Берешекті өтеу туралы Қазақстан Республикасы Үкіметінің шешімі негізінде Қазақстан Республикасының Қаржы министрлігі Қазынашылық комитеті белгіленген тәртіппен республикалық бюджеттік бағдарламалардың әкімшісіне қазынашылық рұқсат жазып береді.

43-11. Республикалық бюджеттік бағдарламалардың әкімшісі қазынашылықтың аумақтық органында Банктің ағымдағы шотына ақша аударуға төлем тапсырмасын толтырады және қазынашылықтың осы аумақтық органына 43-5-тармақта санамаланған құжаттардың екі данасын жібереді.

43-12. Банк Қазақстан Республикасының Қаржы министрлігінен түскен ақшаны банктік несие ретінде Субъектілердің ағымдағы шоттарына аударуға төлем тапсырмасын жазып береді.

43-13. Банктің шоты ашылған Қазынашылықтың аумақтық органы Қазақстан Республикасының Қаржы министрлігінен қаражат түскен кезде республикалық бюджетке төленетін төлемдер бойынша растаманың күнінде өтелмеген кредиторлық берешектің бар-жоғына растама алу үшін Субъектінің тіркелген жеріндегі тиісті салық органына N 8 нысан бойынша сұрау салу-растауды электрондық почта арқылы жібереді.

43-14. Салық органы N 9 нысанға сәйкес бұрын тиісті анықтамада көрсетілген N 8 нысан бойынша Субъектінің берешегін растайды.

43-15. Қазынашылықтың аумақтық органы салық органдары растаған соманы Банктің төлем тапсырмасымен салыстырады. Олар сәйкес келген жағдайда, төлем тапсырмасы Қазақстан Республикасының Қаржы министрлігінен алынған құжаттардың бір данасымен қоса мақсатты жеріне жіберіледі. Егер салық органы

растаған берешек сомасы N 9 нысанға сәйкес салық органының анықтамасында көрсетілген сомадан кем болып шықса, Банктің төлем тапсырмасы салық органының растамасында көрсетілген сомаға ресімделеді. Лимиттің қалған сомасы кері қайтарып алуға жатады. Салық органы сұрау салуды растамаған жағдайда, Қазынашылықтың аумақтық органы төлем тапсырмасын қ а б ы л д а м а й д ы .

43-16. Субъектілердің ағымдағы шоттарына Банктен ақша түскеннен кейін ағымдағы шотынан олар салық төлеушінің тіркелген жеріндегі салық органының СТН-і көрсетіле отырып, бюджетке төлемдер бойынша расталған берешектің сомасына кірістің 107101 "Республикалық бюджетке берешектің түсуі" коды бойынша 080 "Бюджеттердің арасында бөлінетін кірістер" шотына төлем тапсырмасын ж а з ы п б е р е д і .

Бұл ретте төлем тапсырмасында мынадай деректемелердің көрсетілуі м і н д е т т і :

М Ф О ;

ш о т т ы ң н ө м і р і ;

Субъектінің (салық төлеушінің) атауы;

"Кредиторлық берешекті өтеу" деген сөздер және төлем мақсаттарының мәтіндік кеңістігінде төлемдердің түрлері бойынша сомалар;

төлем мақсаттарының коды (107101);

төлемнің жалпы сомасы.

43-17. Республикалық бюджеттің кірісіне қорытынды төлем жүргізілгеннен кейін қазынашылықтың аумақтық органы ол туралы Қазақстан Республикасының Қаржы министрлігіне х а б а р л а й д ы .

Бұдан басқа, қазынашылықтың аумақтық органы салық төлеуші ретіндегі Субъектінің тіркелген жері бойынша салық органына республикалық бюджетке төленетін төлемдер бойынша бұрынырақта салық органының деректерімен расталған, оның кредиторлық берешекті өтегені туралы N 8 нысан бойынша растаманы Субъектінің тұрған жері бойынша жібереді.

43-18. Салық органы кредиторлық берешекті өтеу жүргізілгеннен кейін республикалық бюджетке төленетін төлемдер бойынша кредиторлық берешектің бар-жоғы туралы анықтаманы (N 4 нысан) тіркеу журналында Субъектінің төлем тапсырмасына сәйкес тиісті белгі соғады.";

осы қаулының қосымшасына сәйкес N 9 нысанмен толықтырылсын.

2. Осы қаулы жарияланған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы
Үкіметінің

қосымша
N 9 нысан

(аумақтық салық органының атауы, СТН-і)
2000 жылғы "----"-----
Берешекті өтеу үшін

Республикалық бюджетке төленетін төлемдер бойынша
кредиторлық берешектің бар-жоғы туралы
N ---- анықтама

(салық төлеушінің атауы, СТН-і)

1. Салық төлеушінің дербес шоты бойынша көрсетілген -----
қалыптасқан республикалық бюджетке төленетін төлемдер бойынша
берешектің жалпы сомасы ----- теңге құрайды, оның ішінде
төлемдердің түрлері бойынша:

Төлемнің !Төлемнің !Берешектің !Негізгі !Өсімақы !Айыппұлдар !
коды ! атауы ! жалпы ! борыш ! ! !
! ! сомасы ! ! ! !

Жиыны:

1. Осы анықтама ----- данада берілді.

Салық комитетінің төрағасы -----

Талдау және есеп бөлімінің бастығы -----